

楸

花

盦

詩

楸花盦詩劫餘草自序

曩余刪存舊作古近體詩一編庚申四月失去初意從此不作詩矣及來浦西避亂窮鄉羈棲踰歲無書可讀無友可談并無地可遊憩悶極輒復拈小詩以消旅寂率臆而吐信手而書等諸邨曲山歌不自知其工拙也惟以年老氣薄所存多五七言律絕古體僅偶爲之隘陋之譏知所難免或語之曰唐之許渾秦系宋之林逋不皆僅以近體傳耶君何自歉焉余曰之數賢者近體各有名作自足傳世不敏則安敢援以自解乎然則君之存此何爲曰古人云家有敝帚享之千金拙詩雖無

可取錄而存之亦聊託於做帚之戀爾

咸豐辛酉初冬之月十如居士葉廷瑄自識於古烏涇
寓舍峇年七十

楸花盦詩卷下

吳縣葉廷瑄調生

劫餘草

避難申浦友人勸收買所失書畫賦此謝之

身世渾如夢已殘何心長物散重完
衰齡嗜好緣都淺具眼收藏意轉安
弓玉人猶談古事雲煙我久付閒觀
平生癡愛消爲水肯使餘波更起瀾

劉生雲媚

灑

路過吳門鄉間買得石墨書畫三種

識爲余物寄貽申浦不欲辜其意受之而酬以詩
舊物重還說也癡春風意外一緘馳已拌覆水終歸海
竟觀飛花再上枝展卷不期行腳處題籤難忘賞心時

昔書籤
字尚存
憐他破鏡多
薪恨誰贖
蛾眉慰所思
庭東山新
來札言洞
被兵婦女
頗有失散

題王花農明經廷銓癡願詩後有序

明經爲上海老宿家三林塘蚤失怙恃詩三十
二章皆舉生平所欲事親之事而其願未遂者
設言親在而得之自序有夢裏晨昏句蓋孝子
老年思親無已之苦心也

老續南陔詠詩翁悔所遭原詩有悔煞承
歡爲日少之句承歡餘大願

設想到織毫寸草春難報孤雛夜自號一編風木淚祇
此答劬勞

賤子蚤孤露餘生更播遷埋愁無尺土抱恨竟終天世

事雲同擾微軀瓦幸全侍親惟夢穩此夢讓君先

第七語即

本夢裏晨昏句意傷人子
遭亂不得安居養親也

過劉氏廢園閑閑草堂題壁末章卽贈園裔劉翁

柳塘竹徑獨行吟路入荒園感不禁我似傷時李文叔

盛衰着意記園林

宋李格非有洛陽名園記余亦曾
撰吳中名園記稿未竟而失去

艸堂舊額署閑閑想見高人靜掩關世事不驚雲臥穩

此中清福渺難攀

舊額款跋字甚多已漫漶不可辨後
裔亦不能言其時代意必明末人見

世亂而隱者鼎革之際上海
未被兵故得安居無恙也

堂前樹石已全荒剩有孤梅欲吐芳畫出舊家寒女態

天然修潔儉梳粧

百年喬木護清門

園有柏樹一株數百年物也

貧守三椽老屋存看

到牡丹何足重種瓜種菜好兒孫

劉翁父子治圃爲生故以東陵侯種瓜開

平王孫種菜況之看到子孫能幾家唐人詠牡丹詩也

得管君谷香通州書賦此奉懷

亂後行蹤欲問難便鴻近喜到江干棄家我媿倪元鎮

浮海君眞管幼安半載驚心籌去住

初避吳地山中一屢遇警凡數避

時噩夢判悲歡

一子歿一女孫殤同寓房族多病故兩姪被擄幸得歸

異鄉今得

如歸樂羨爾羈懷可暫寬

長君少谷迎養寓舍仍授經於舊居停處

追悼管生雲升二首

有序

雲升爲老友谷香次子里居相近無日不見性嗜翰墨恒喜問字於余庚申四月避難後遂不相聞越歲春略知其父子蹤跡寄書問訊值其家移寓未達辛酉三月得谷老通州書始知雲升去秋已歿於善人橋旅次距今半載餘矣回憶舊遊曷勝感愴不能無詩

紀羣交誼兩家聯儒雅恂恂爾最賢爲奉晨昏甘閉戶能攻筆硯代耕田

在家課徒工篆隸書兼善摹印自署書室爲鐵耕廬

生徒晝散

傳經座眷屬宵移避寇船世亂蚤離家累釋全歸何必羨耆年

隔歲猶然盼好音尺書問訊竟浮沉雲萍一散蹤難合

風鶴頻驚病易侵地下應攜嬌女手

一女先殤

客中更累老

親心行囊殘帙留遺翰此後人琴感倍深

昔爲余鈔書數種行篋中

猶存
一一

月夜黃浦舟中

雲淨潮平後清光萬頃鋪水天同一白煙墨若爲圖夜
靜詩懷永江寒客意孤片帆明月裏有夢落菰蒲

秋日小病卽事

清秋一榻養疎慵塵事無由更芥習涼雨氣先蘇病骨
晚霞光欲奪衰容關心藥裏勞朋檢信手書函付女封

倚枕欣聞傳好語新秔白已飽村農

捉花吟

有序

濱海各鄉咸藝棉花花發後婦女皆往田間耘
草謂之脫花熟後又往采掇謂之捉花亦稱收
花余避兵申浦兩載屢見之初欲作脫花吟因
見劉筠谷秀才森已作七古一篇甚佳適值秋
月收花之日歎民風之勤作感物候之易遷因
作捉花吟短句六章亦藉遣旅寂云爾

纔脫花完又捉花女兒邀伴到鄰家趁晴忙向花田去
不用肩鋤嘴似鴉

花田夏日經雨草生用小鋤翻泥去
草名爲脫花謂使脫穎而出也肩字

柳花會詩

訓任从書

盤庚傳

布囊箚笠取攜輕
牢繫弓鞬陌上行
莫認春郊采桑女
誤他過客不勝情

無風無雨好秋天
鈴子圓垂綻曉煙
紅日團團頭上照

白雲朶朶手中舉

實初結呼爲鈴子以形似也日曝則易成不宜風雨

花叢拈拾儘搜羅
姊妹相隨笑語和
日晚還家呼阿姥
今年花比往年多

捉得花齊裏手難
桿彈紡織事多端
城中閨閣那知此

但促裝棉禦蚤寒

桿彈紡織四字見吳梅村木棉吟序吳詩不見本集載金鉉鎮洋縣志暨

張大純采風

類記二書

羈棲海上兩經秋檢到行裝動客愁賴有撒撒嬌女手

買花爲製木棉裘

余家惟一嬌女相依並學至滬

捉花補吟

緬懷古昔兼感時艱續得四章補前詩所闕也

中土何年吉貝栽黃婆往事費疑猜嶼夷有卉能成服

落實誰先教取材

棉花古名吉貝出廣南諸國相傳元初流入中原峴州黃婆始教人織布

然考禹貢嶼夷卉服古義疏

嶼夷卉服古義疏嶼指葛越而宋時注家兼及木棉下文織貝又謂卽吉貝等物且此語系於淮海

揚州島夷似卽指今蘇松濱海地是三代之初海濶已

知藝花紡織後來經籍中布字亦屢見其非來自域外

可知紡織等事其時中士必有人倡始觀王梧溪黃道

婆祠詩及序所言乃知道婆所教祇是織厓州五色布

被不得樂言教人織布自道婆始也上海南

城有道婆祠門額竟題先棉殆未深考耳

木棉樹本盛蠻榔花發斑枝影覆牆若使吳棉都化木

收花應倚一梯長

交廣之棉木本大如樹故稱木棉一名斑枝花吳地所種乃草棉也

江鄉風鶴尙愁聞最是田家婦力勤對此漫言天下煖

亟謀挾纊徧三軍

花開天下煖花落天下寒昔人詠棉花名句也時近地常有兵警

事補幽風句所無條桑圖後采棉圖絮衣十萬先須授

無褐流民正滿塗

李龍眠條桑圖乃幽風圖之一昔曾見之時難民羸集上海飢寒可念

寓館東有土阜新開坡路可登眺紀之以詩

小阜荒難陟峻嶒近屋東階梯求穩步畚鍤促施工不

假蟠蛇曲原殊踞虎雄功成快登覽笑比闢蠶叢

聽鶯橋感賦二陸事

有序

華涇寓舍北行里許有小橋曰聽鶯相傳機雲
少時曾讀書此地出聽鶯啼故久沿此名而華
涇亦稱聽鶯里也

野路溪橋一望平曾傳二陸此聽鶯事先柑酒閒遊客
人異純鱸退隱情仕宦竟忘家國恨文章可惜弟兄名
當年入洛成何事空負華亭鶴唳聲

遺悶偶成

壽餉徵兵歲月舒連城收復事猶虛偶傳小捷論功狀
慣聽鄰封告急書鄉里阻如重譯外親交存亦再生餘
一屢海角拌終老祇恐將成釜底魚

亂後聞故鄉諸老友相繼徂謝自顧僅存慨然成

詠

文社論交鬢各青幾番聚散到頽齡故人皆化雲中鶴
孤客真成曙後星曠作靈光愁獨立偶談天寶待誰聽
亂離未定衰屨甚何日相從大夢醒

周杏嶠

樹春

自寫舉杯邀月圖索題

青蓮去千載觴月又斯人一醉空今古相看孰主賓
禪金粟影詩味玉壺春羨爾年方綺豪情動海濱

答友人問華涇風土二首

浦上田廬半水涯此鄉風景畧堪誇碧雲繞屋抽孫竹

人家屋後皆種竹成林

晴雪堆門曝子花

棉花初收曬門前望如積雪

江近魚

蝦常入市地寬雞鶩各忘家問名原自烏涇改僻陋如

今那得華

華涇爲烏涇改名卽宋元時烏泥涇今地僅得十之一耳

聞說鄉人舊富饒再經寇難劇蕭條

元末苗兵前明倭子民貧全

仰三秋獲

花稻麻豆皆收於八九月

歲旱常資兩度潮

曲港通潮設堰蓄水灌田

汲用皆取給焉

牧馬年深迷故壘

卽指前朝寇亂事

聽鶯客散賸危橋

與君遭亂皆萍泊覽景知難旅恨消

秋日江村閒步卽景

爽氣朝來挹東皋最上頭川原開古畫雲物入新秋
決覺風生腋清應露洗眸萬家方熱夢此境幾人遊

晝永意無聊閒行不厭遙斷塍危架石曲港暗通潮
稻熟農功簡花繁野趣饒草堂容小憩鄰叟偶相邀

一雨天如沐林塘快晚晴身嫌筇杖贅足愛草屨輕高
樹鴉爭集平蕪犢自行村墟延眺久隨處得詩情

暝色蒼茫外江天送夕曛高原初上月遠渚漸生雲
鑿影穿林出機聲隔水聞閒中觀物態動靜總難分

潘磨生茂才鍾瑞和余殘字韻賦感懷詩見示卽

疊前韻答其意

太息東南半壁殘修羅兵劫幾時完渡河誰是宗留守
浮海君如管幼安客秋泛海來甲民命蜉蝣難自料軍容鵝鸕

瀾

儘堪觀

軍營操演昨在城曾寓目

吾曹歌詠如平日且任旁人誚倒

陳蘭齋隱君

炳燧

齋中詠綠牡丹

金谷名姝幻此芳故衣未脫拜花王應呼么鳳充嬌婢
誰畫修蛾鬪靚粧濃露乍零難辨葉輕陰欲乞亦飛章
高人有意憐衰白贈我分簪兩鬢旁

手折二花見貽

讀陶淵明桃花源記偶書其後以遺悶懷

並生宇宙間誰能世外騁陶公本寓言豈真有是境後
世慕高踪丹青樵妙景文人偶寄懷俗塵堪暫屏果作
冥鴻飛自遠風鶴警要知巢由徒孰爲買山請神思苟

曠閒隨處皆箕穎我愛深翁言

故友吳侶棠
晚年外號

仙源從心

領高臥遊羲皇卽在閉門頌誦此更迷津陶公亦齒冷

馬生朶庵

英

自客中過我談其家去年遭難事感

贈二律

亂後拌長別重逢若夢中容顏驚各瘦消息悵難通
辛苦尋巢燕飄零避弋鴻
皖遊聞變遄歸覓家口
一月始遇卽移居江北少年能
努力何用歎途窮

大劫徧吳民君尤恨莫伸憶當家難日正作旅遊人異

地營攢亟

母歿江北
權厝彼土

經年陟岵頻

父被擄年
餘尙未歸

艱難攜弟

妹善保客中身

近事

時危聞見總關情近事常教感慨生市井徒充新募勇

江湖盜聚慣逃兵民無固志家浮水

避難船飄泊無定所

官有良

謀鬼守城

事急則借夷兵登陴

羽族先幾感何氣秋宵百里怪禽

鳴

八月十九夜空中有聲啾啾如鳥語瑣碎淒苦歷三刻許方止同時數十里內無不聞之

悲歌

悲歌如哭唱烏烏無路排闥此代呼一邑守株安可待
十年滋蔓本難圖心肝諸將何時奉膏血殘黎到處枯
江浙巖疆脣齒倚那堪警報越同吳

秋夜苦雨次韻

奈此瀟瀟響驅愁枕上來五更鄉夢破萬緒客心堆江
濶添寒汐村空洒劫灰

時松南諸鄉
新被兵火

起聽重翦燭蛩語

更相催

劉貧谷茂才森見示訪菊刈稻二詩索和卽次其

韻

惟有尋秋興年年不憚勞詩心隨地遠花品避人高宅
間餐英屈籬窺漉酒陶故園揮淚望那不意牢騷訪菊
常恐糧資盜田禾及早收驚心三日火到手一年秋戰
地荆榛滿災區鼠雀愁懷鄉儂更恨萬戶棄先疇刈稻

七十生日作

天教海角寄餘生，忽忽他鄉歲月更。久住田園詩漸逸。

偶談山水夢俱清，世嗤龔勝輕求死。

聞賊中開偽科，取士頗有應試而受

者 偽秩

我愛韓康善避名，一語借吟聊自祝。願留老眼待

昇平

故友覺阿開土句

江關訪晤青浦詩翁，金二溪熙賦此奉贈，卽題其

莎湄居詩草後

一番風鶴又驚聞，避地天教我遇君。偶值垂簾閒賣卜

精於

星學，恰成傾蓋細論文。高年吐屬清于雪，逸客行藏冷

似雲。好借詩編作縞紵，江湖歲晚喜同羣。

余亦以詩草就正

寒蛩次韻

獨客已無寐況堪蛩攪愁訴寒千語碎警懶五更遺葉
落鴉驚樹鐙昏雁度樓深宵羣籟集根觸總悲秋

青浦金曼鴻明經

玉

去冬上書言事爲當軸所斥

賦此慰之卽題所上書彙後

何來淞泖一書生險作江東繻正平自信芻言能愛

國誰知肉食忌談兵人嗟寶物投于暗天惜良材用不
輕願爾暫韜經世略橫流最好是潛名

讀史有感爲曼鴻作

獻策心期贊治平一腔熱血數書生漢廷絳灌憎年少
宋室汪黃蔽主明柴望慨慷書獲譴

宋柴望撰上丙丁
禍繼忤時宰被逐

郇模僥倖史垂名唐郇模上書言事以十六字爲標題通鑑載其事人亦未見用奇才
自古多遭抑愛士原須命世英

病菊次韻

寒到東籬菊漸荒也如人病意淒涼悲秋體倦疑扶醉
待死心堅總抱香宋鄭所南菊花詩有霜可枝頭抱香死之句難並松篁作
三壽定緣風雨困重陽芙蓉晚放偏無恙此度輸伊獨
拒霜

烏泥涇懷古

有序

涇爲宋時所鑿久淤塞約畧其道在今華涇西
北徑達葺城以通淞泖昔苗劉之變韓蘄王從

江灣赴臨安由此過軍又元末詩人王逢自澄
江移家於此避亂築最閒園以居自稱最閒園
丁亦稱席帽山人惜其遺址已不可考余今亦
避兵此地暇日訪求遺事作詩紀之

通渠歲久已成淤舊事蒼涼感故墟大將錦袍移戰艦

山人席帽構精廬背嵬令肅勤王始韓岳二家皆有背嵬軍爲親軍箸

錄心閒避世餘原吉最閒園詩擬箸幽居錄漁樵共討論今日寒蘆衰柳外

兩朝遺跡剩樵漁

箕谷題余近橐四絕句次韻酬之

海上經年旅跡羈閒吟短句半憂時不圖巴曲偏邀賞

傾蓋還憐十載遲

衰齡秃管乏才華敢向騷壇論作家差喜素心人不遠

田園好共話桑麻

附存箕谷元唱麻字韻一首云灰滅繁華要不華圖書散盡已無家草屨

本稱詩人足好比流離杜老麻
因余詩有足愛草屨輕句也

昔窺坡老新奇句

癸丑秋余避亂到此曾讀先德書樵明經晉遊詩

今誦斜川

絕妙詞有幸後塵容我步捉花吟繼脫花詩

錄舊作脫花歌七古

見示

兵塵瀕洞海雲邊幾處殘黎得自全白首相期同作達

昇平猶望覩餘年

讀滎陽節孝蔣孺人傳題後

六年孤燕病難禁兩月啼烏痛更深代子職原完婦職

殉姑心卽體夫心兒能補恨形編播歿後廿七年子鍾瑞撰狀畧乞馮宮

允桂芬作傳族叔遵祔書女善傳芳碧水沉女適吳早

後里人遂籲請以旌其孝懿德久潛光必耀陽和自古出窮

水此事傳未及載

食菜次韻二首

欲爲詩腸洗俗塵晚菘入口最鮮新喜看霜圃爭抽甲
肯待春盤佐薦辛供把底須煩老衲敲根未免困才人
可堪歲饑難求益獨見窮簷面色眞

雅潔山廚絕點塵半畦寒綠摘來新煮邀鄰叟嘗鹹淡

挑憫災黎語苦辛雅謔偶逢談夢客

用夢中羊蹴菜園戲語

清齋

恰似事魔人

宋人謂茹蔬奉佛者爲喫菜事魔

老饕屬饕腥羶慣蔬譜

甯知味獨真

淞南寓舍遇陸稚松沅以飲筱東齋圖索題

頻年吳下困兵塵何止相逢少醉人莫問舊時遊讌地名園竹樹久爲薪

竭來旅跡傍吳淞千畝篔簹尙在胸欲借酒家雪色壁槎牙醉吐筆端鋒

衡山弟子陸師道練水詩翁程孟陽看竹銜杯評畫橐

十年舊事怕思量

圖爲膠城程序伯遺筆稚松是其學畫弟子余亦舊交也

古紅梅閣詩爲劉彥清履芬作有序

蘇城吳殿丞巷爲宋殿中丞吳應之與姬紅梅
偕隱處所居之閣因人以名吳作折紅梅詞傳
於世彥清客蘇多年寓近其地平樾峰太守翰
爲題古紅梅閣額瀘城相遇偶感舊遊索爲此

詩紀之

小閣藏嬌地風流七百年事因詞客著名借美人傳花
月滄桑恨萍雲夢幻緣劉郎感前度難畫意纏綿

彥清有前

度劉郎小印並畫古紅梅閣圖紀事

吳苑經兵燹傳聞劇可哀已更新巷陌莫問舊樓臺往

事隨流水閒情冷劫灰我懷別有系佛院一株梅

閩門外積

善菴西院有老梅

一樹宋時物也

滬城旅次遇上虞徐辛穀 三庚 話舊感懷得詩二

首卽題其象田詒穀圖後

傾蓋言懽記虎邱交聯金石許同游

君工篆刻曾乞數印

麥天各

避吳門劫萍水重逢滬瀆秋我已無家拌蹈海君猶作
客感登樓手撫雙印勞持贈敢道新詩報所投

語我家林舊業存象田舜井古時村

世居象田在上虞郭外二十五里相

傳有舜 遺跡 溪山勝地安雞犬耕讀良謀教子孫江左連城

成梓澤浙東片土是桃源待君歸日應相訪畫裏先教

認鹿門

慈雲山莊圖爲青浦徐則三題

青溪佳處數椽安將母詩兼賦考槃勝地從來宜結隱
幽居難得更承歡湖山景比家園近花竹春留愛日寬
眞箇慈雲能覆護劫餘無恙草堂完

延陵節烈潘孺人哀詞

天意成奇節艱難自早年悲傷方備歷危亂更相連大
義慈徽續母爲節孝
蔣孺人芳名浩劫傳蘇臺盛簪紱止水有

誰先

滬上歸思

海國頻年住歸心夢寐形儘多遲暮感況已亂離經兵
事何勞問江潮亦厭聽祗期鄉郡返重見故山青

避兵洋涇濱度歲後曼鴻亦來相晤同話去冬別
後事出示見懷近作依韻奉酬

客蹤歲晚似冥鴻君正西飛我已東冰雪孤舟愁孝子

君奉二老西避吳巷舟行冰阻三日旌旗隔水駭衰翁

余東北走滬城北郊舟中望見賊幟

乘桴路近餘生寄巢幕身危萬念空何意重逢慰離索
新詩如月墮懷中

滬上春暮潘辛芝舍人觀保有詩見贈次韻奉酬

二首

異地羈縲又一春客懷況是暮年身津梁道遠愁難述

壇坫名高媿不倫

君詩憶及先外舅陳雲翁並以壇坫老輩謬推詞人

述祖也知

家有事

少陵詩云詩是吾家事謂其祖審言先以詩名也此答君石林詩人句

買鄰敢謂

世無人

君詩謂寒舍與戴君竹友同里開實相距尚遠

旅居差幸朋懽挾擬其

尋芳滬水濱

紅藥階前正好春望雲心動便抽身歸難結隱輸元亮

君乞養歸里遇亂來寓滬城

醉可埋愁羨伯倫

集中有尋許鶴巢飲酒詩

鳳閣似

聞思國士蜃樓何幸住才人

時傲居洋樓

君家情景三蘇比

我更京華憶穎濱

令弟秋谷孝廉方應禮部試

為麟生題聽風聽水填詞圖

六根善感是聞塵奈此風餐水宿身閒按紅牙聊遣恨
獨眠白舫黯悽神心驚鶴唳聲多破耳熟龍吟筆自馴
詞有水龍吟調安得煙波清寂處一枝漁笛伴垂綸
君近客海上

寓鄰吳君語樵

嘉椿

枉晤話及其先人事有詩見

贈倒次元韻奉酬

浩劫東南重親明半不存新交憐乍訂往事喜同論兩

世人倫表三吳物望尊愍孫今繼起遺澤感師門

昔令

墨繡先生主講紫陽書院時令祖巢松先生養親在
家余肄業院中皆以師事君幼孤令祖亦早見背

祖德君能述羈懷我藉寬楹書容借讀

君新購得巢松
先生遺集承以

見葛帔不愁寒久客年垂盡

余齒已七
十有一

休兵事尚難張

南與周北

余寓在普安南里君所居爲北里

萍聚且爲歡

得老友貝子木

青喬

故鄉書知其近况甚苦感賦

寄懷

家破身眞子途窮氣轉邁熱腸無地用憤淚幾時收心

事天應鑒行蹤世誤尤

君因客杭破陷逸出復因老母失散在賊中尋訪不知者訛傳

其投逆

戎韜休再問老合向閒投

孝子英雄事平生一手任承權今絕望殺賊轉傷心

君中

歲從軍浙右詩有殺賊抵承權句爲時傳誦

志大功難就才高謗易侵何時

離虎穴爲爾淚沾襟

題石梅孫明經

巢

葵青近橐卽步橐中山塘除夕

韻

遠寄新詩卷彌傷會晤難愁腸君自寫病眼我頻看竟
作孤鴻叫指悼亡哭女歸葬諸作還同片石觀帙面鈐片石孤雲小印此中
有真味只是苦兼酸

虞山李升蘭孝廉

芝綬

自江北寄示擁書圖小像

索題

積書雄百城南面王不易愛博與矜奇古今同一癖

兵燹吳中劇縹緲盡散亡君家善藏弄誰爲記山房

東坡

有李氏山房藏書記

數載慕君名今年識君貌別後慰離懷展圖相視笑

家儲萬卷失愁看，擁書圖愁已輒復。幸一甌容借無

谷香以七夕見懷之作寄示依韻酬之

思君北望強登樓，老病心情嬾似牛。自分餘生原待死

幸逢中夏已先秋

今夏大病幾死復甦適五六月甚涼身乃漸健

佳辰未得閒

懷賞清景還將苦語酬，各滯他鄉歸計杳。故園回首迴

含愁

不見吳清如農部

嘉淦

三年矣頃從崇明來滬連

日把酒傾談賦此奉贈

詩翁晚境擬坡仙，海外歸來雪滿顛。一代騷壇尊老輩

卅年酒座續前緣

道光壬午余與君同客邢江時常聚飲今四十年矣

客中家比

雲無定難後人如月再圓省識浮生原旅寄放懷且其
醉陶然

九日陪同社諸君集飲浦樓分拈得催字

異地驚心節序催重陽忽忽第三回自憐白髮頻窺鏡

又爲黃花一舉杯歸客帆檣離緒遠吳清翁今日登舟回崇明孤臣

筆札壯懷開座間傳觀趙竹生方伯景賢拒偽忠王勸降書酒闌莫更登高望

怕惹鄉愁醉後來

贈潘順之太史遵祁卽題其所著小釐花館詩鈔

後

神仙不愛住蓬萊天與蕭閒亦快哉十載幽棲成素願

君散館授職卽引疾歸營別業於光福山中常挈家居此一編高詠見清裁文章要

得煙霞氣山水能資翰墨材可奈烽塵警猿鶴海濱翻

似謫居來

桐鄉陸定圃教授以愔同客滬上出示庚申杭城

烏鎮紀亂詩爲題四律

六日妖鋒逼千言史筆留村童傳異兆辛亥八月南屏山下有羣童拾

草數莖爭相駭怪諦視則人形而無首也語見題詞徐君延祺詩注學博賦同仇始事庸

臣誤全功老將收將軍瑞昌堅守滿洲營挫賊湖山終

墮劫儲餉累疎謀謂次年冬杭城

一鎮仍唐戍三州路盡通烏鎮與嘉湖蘇三郡皆接周

饗實爲浙省咽喉要地

防誠有略保障易爲功賊踞成岬虎民逃困澤鴻艱難

憐孝子將母泣途窮君閏三月乞養解組奉母避居烏鎮秋間屢遇警乃徙北車塔村後

又徙柳絲

踵禍吾鄉甚三旬陷七城四月十三至五月十三連陷蘇州吳江崑山松江青浦太

倉州嘉定擾鋤猶奮力吾郡南北各鄉皆有民團拒賊簪紱早逃生啟闔官

迎賊侯補知府李文炳焚郭寇冒兵賊眾假充馬總兵德昭來助守省城賺得徐中丞令

箭四月初四夜先在天堂誇兩壘俗諺上有天堂下有蘇杭從此負

虛名

筆記傾心久君所著冷廬雜識余讀已多年吟編寓目遲圍城元子詠

諸將杜公詩浮海身同寄懷鄉淚各垂家風劔南老忠

憤有餘思

徐治伯

晉銘

黎里書來言庚申六月寇至其家得

免於難事紀之以詩

治伯附寄忍冬草廬詩一帙中有寇至十首句云何期賊

念同鄉誼一點恩星是小星注言賊十數人舉刀直入余家逼索番銀姬人荷雲答以無有賊云是南京口音吾同鄉也遂得免禍余去歲聞此事頗異之今得君手札與詩乃知其有徵可信也

禊湖住歲逆氛侵獨免奇災歎不禁事異虬鬚聯族誼

君姬人姓與張一妹同

情同鸚語辨鄉音和戎賴有佳人膽譽賊

知非烈士心我誦新詩惟額手故交無恙更高吟

贈陸九芝

懋修

卽題其瑣尾集後

高才憐爾瀾風塵難後相逢意倍親殺賊未容功業就

君在鎮江曾奉尊甫方山司訓談詩獨取性情真能忘

命募勇助防爲忌者所沮而罷

願作良醫徧活人三世文

願作良醫徧活人三世文

無仕長依母

因母老不赴選

願作良醫徧活人三世文

詞更傳子

令祖少游先生暨司訓皆以詩名

吳中壇坫

一家春

爲曼鴻題感逝小橐二律卽以唁之

此恨尋常有何堪思難中偏教歌別鵠恰值賦哀鴻借

隱言猶在承懽事不終還鄉異時樂鰥淚獨臨風

悼婦

解議圍無嫂傷心地下隨

弟歿於婦

家方滯萍梗人更

痛荆枝子職誰還共親年況已衰銜蘆江上雁隻影倦

飛時

哭弟

子木應保陽劉蔭渠制軍長佑之聘將由海道北

上有詩留別依韻奉酬卽以贈行

東南兵劫無安土朋舊何人不失所喜爾扁舟海上來
曩懼三載猶堪補何意名公方側席不容閒作江湖客
書生佐幕古多賢籌筆端期能建白此去東溟道路長
故交分手劇淒涼平生抱負乘時展莫但文詞重洛陽

連日與子木話別疊前韻贈之

君昔南征去鄉土蠻方行腳歷年所歸來飽看錢江濤
河嶽還期夢遊補昨到淞南未煖席推轂剛逢玉堂客

馮林一中
允桂芬此遊自足快吟懷沾口雲連帆影白浮蹤萍

聚本難長語久離筵酒易涼早向滄溟覓鱗便雁書應

憶阻衡陽

君昔黔遊三載道遠寄書頗難

潘芹涵茂才紹棻索題梧陰把卷圖時方爲余書扇偶成此作

物理施必報其道本乎天文翰藝通道有因遂生緣我扇君作字君像我題箋惟惜銀鈎筆乃爲釘鉸捐譬以儉楚輩酬酢陪高賢老梧是木客定解吟詩篇伴讀侍君側睨視當粲然報瓊媿不逮文字交藉聯

書慈溪葉歛蘭

金壽

所著三十六壺盧銘後

避兵且學壺公隱數典無慚瓠史名試問巢家匏作器

可會一一勒銘成

明季嘉禾遺老巢端明種範手製各器極精售以自給人爭寶之

次韻答何古心司訓其超

贈句卽題其近稟後

客中訪友總緣詩大復聲名夙所知著語君真能俊逸

俊逸空憐何大復
明人論詩語也

論才我自愧衰遲偶從江海成萍聚

各有田園賦黍離著作堪消羈旅恨清詞端合譜冰絲

題定圃感舊懷人兩集後卽次其題拙稟韻

親交契濶亂離間存沒何由得再攀浩劫可堪淹歲月
墜歡容易邈河山天涯夢斷黃墟冷故國雲迷蔣徑閒
聚散死生皆幻影試從詩境斂禪關

讀淮南子偶成

似披呂覽仰前賢也集羣才事簡編

呂氏春秋淮南子皆出賓客手

客文成諸體備叛王國敗一書傳河間經學應難匹邗

上辭章此最先著作自堪垂不朽八公何慕更求仙

壽陽

八公山以安與客蘇飛李尚等八人得名安又好與客言神仙方術事

竹林菴訪蔣劔人敦復晤談有贈

會合因緣信有時卅年相慕遇何遲

若題余藁云聞名三十年余亦知君

名已久

奇才再見陳同甫偉論誰收杜牧之

君善談兵策一有萬言策一

篇兵鑑數卷

湖海名高羞乞食風雲氣斂愛談詩蕭然禪榻

忘身世壁上純鈎共守雌

順之索題扇頭小景二首

木石言
一白告無際春山驢背逢隔溪千萬樹臨水兩三峰地
僻雪何古天寒香轉濃傍花知有寺煙外數聲鐘

右探梅圖

嫩涼池館最清幽露濕闌干月上樓滿地碧陰人不見
蝠飛螢墮一天秋

右小園秋夕

亡友覺阿開士

祖觀
輓辭

一頂頭巾決棄之早年踪蹟似蓮池琴書坐擁儒而墨
衣鉢家傳父是師

開士姓張名京度字蓮民本元出世
和諸生遭家難與弟隨父出家

未忘憂世切在山猶悔入山遲草堂劫後休重問五百

梅花剩幾枝

藥菴白馬澗環植以梅隱居二十餘年相國阮公爲書五百梅花草堂額

話到平生恨事饒才人落魄太無聊家如病葉經秋墮

身作天花向佛飄數卷詩文儕梵夾一門骨肉聚禪寮

世途涕淚名場夢憑仗晨鐘暮鼓消

開士少卽工詩文爲郡伯陳公識拔

游庠延置幕府人皆以請開期之

誰任通材隱比邱空教俠骨老還留

中允馮公序其詩云上人負幹濟才

經世大政鬱然懷抱既隱於僧無所用讜言能使名公

服生計常爲執友籌共說愛才師養馬曾聞過盜類馴

鷗白馬澗爲支公養馬處以上四語皆開士本事

獨憐浩劫東南重眼盼昇平

願未酬願留老眼見昇平

集中晚年句也

林花盦詩

卷下

三

患難相依七十翁

庚申四月四日夜半余走詣開士避火越日同避光福銅佛寺

年來

莫逆兩心同老多僻論煩君糾時寄新篇許我攻苦海

翻身眞智慧名山立腳亦英雄

所著通隱堂詩存四卷梵隱堂詩存八卷皆可

名家誰知蕭寺連宵話廿載交期就此終

余在銅佛寺再宿還家旋

赴申江遂與開士長別其化於太湖中衡山僧舍以是

年八月廿一日次年春晤馮中允始知之言念舊交烏能己已又越一年方克成此輓詞

故友石君藹士

嘉吉

聽雨樓遺詩余向所未見也

令嗣梅孫同客淞南攜示爲題一律

石侯清素有家聲

先德遠梅先生著有清素堂集

與我深交到畢生卅

載尙遲窺韻語一編今始表詩名宗英借作砭時論

石琢

堂廉訪作跋不滿於近時塗附晦君父執平添感舊情詩
澁二派而謂君詩中有真性情在君
爲武康徐雪廬孝廉選定寄書稱許丹徒楊君
子堅上舍有題詞皆感及昔與遠翁交游事君獨悵當年
交臂失遺芳采掇倍心傾君所見詩錄君詩卽選列君

立秋日作

秋來詞客慣言悲我獨逢秋慰所思能使筋骸收惰氣
漸于草木鍊貞姿文章意味蕭疎好身世行藏冷淡宜
寰海頻年塵霧塞商飈正待廓清時

題歸安沈補蟾文學登壬戌紀事詩後

紀亂兼傷遇詩心具史裁天留茗水厄毛賊擾江浙湖
難亦最重人續杜陵哀身世如殘夢湖山付冷灰鄉愁家恨

積頌寫正須才

新秋寓館卽事

炎歊漸退滌煩襟節序推遷感稚金過午林塘宜小步

新涼几席愛微吟十年海上浮家夢

癸丑秋避兵法華再遷華歷至今恰

十卷一夕天涯哭友心

時初得貝子木客逝北直之耗

歲旱軍興農待澤

洗兵惟望作秋霖

連日得小雨不暢

孫懽伯大令

熹索題其先德子和通守

義盞爲友

所作清蔭禪院延秋雅集圖卷

圖爲嘉慶己卯七月所作陳雲伯先

生作序董琴涵琢卿潘功甫王井叔曹稼山題詩庚申浙中亂後楊蕉雪得之以贈懽伯

初地簪裾集名流翰墨傳人間更歲月劫外賸雲煙感

舊傷吾老

子和爲余同門友雲翁則外舅也琴翁以次諸君亦皆舊交

思親歎爾賢

權伯言先人遺墨

楹書同返璧佳話亦奇緣遺藁亦失而復得

爲包山秦稚肩

嘉樹

題小睡足寮圖

包山有佳士系出淮海後我昔誦其詩心儀固已久今

秋山中來客邸欣握手談次索題圖圖中意有取在宋

王元之黃州謫作守睡足快平生詩語在人口

元之在黃州有

句云平生睡足處雲夢澤南州

淮海南遷時寮名此稟受君以小自居

述祖亦非苟顧惟昔二公謫宦如棄婦嬾眠不事事自

嘲情或有今君擅文章經濟宏抱負將爲用世資養親

博升斗何遽慕睡鄉甘效三眠柳乃知勝士懷不任俗

械扭身耽閉戶眠心厭抗塵走况歷兵戈災幸家山澤
藪卧雪與眠雲此計良无咎欲乞卧榻旁容我鼾聲吼
與友人論作詩

甘苦何妨友共知性靈學殖兩相資縱然善易不言易
豈竟作詩非此詩東坡云作詩必此詩定知非詩人此
為黏滯者言也然過求超脫亦詩病
故反其意一字難安如有失百家異趣貴能師沈酣筆力蕭
疎味興到神來自得之

朱子鶴姬人許香賓辛酉殉難誄詞

莫釐山色黯兵塵重見毛家罵賊身直與元戎並英烈
兜鍪巾幗兩完人續戎王公同
時血戰陣亡

名分雖殊節義同蓮花何礙出泥中
簪纓不少偷生輩
視此眞如妾婦風

題蕭山任映堂贊府

炳奎

隨遇齋詩鈔後

詩派中唐盛其人簿尉多君今羈薄官亦復善高歌
鄉夢娥江樹遊蹤歇浦波秋光山色句須擇長官哦

梅孫以甲子元旦詩見示依韻和之

向來歲月不須論景運重開氣象溫
世事偶然成剝復天心於此見貞元
逢春客盡思旋里定亂人宜計塞源
我已無家任飄泊厭聞如願口詞喧

張筱峰廣文

鴻卓

以藕花香裏填詞圖索題

一闋新詞唱鬪紅畫船正泊萬花中
吹簫自和吳姬曲
消受芳塘面面風

柳絲鄉裏閉柴關
消夏曾居消夏灣
今日采蓮歌散盡

煩君替譜念家山

洞庭山逆匪盤踞未退

凌忠介公遺像裔孫子與霞以摹本見示索詩謹

取嚴修能記公逸事賦成一律

大節無慚范

景李邦華

儔鬚眉凜凜氣含秋
生辭權相彈

章授死杜降臣薦牘投囊腹
中宵麾盜獻珠燈三日徇
親留髻工亦解憐忠骨
我欲茗谿拜墓遊

聞員大子木旅櫬南歸偶檢閱其壬戌癸亥兩年

吳門津門寄書賦此追悼卽題其劫餘小草後

迢遞天涯返一棺三年手札怕重看思親空羨徐元直

避賊終爲管幼安

初因訪母涸跡賊中旋卽到滬由海道北行就幕

身去祇餘

詩卷富魂歸仍趁海濤寒生還此日聞君到定復聯吟

補墜懼

北行時有詩留別滬濱諸友同人皆疊韻贈行

郭曉樓照索題愛菊圖

誰繼柴桑隱高風愛菊聞能吟復能繪陶令欲輸君君

詩并善寫花卉

家有遊仙詠東籬作散仙娛親得佳識益壽與延年晉

璞作遊仙詩蔣稱益壽花一名傳延年

佳色豔秋霞宜栽處士家莫訛金穴在滿院是黃花

漢郭

況家富
稱金穴

身抱秋花癖隨花入畫來王宏同結隱應約共銜杯

王君

允卿寓君家
圖是其手筆

故鄉老屋已被毀盡偶憶及之感賦

亂後家惟餘片壤夢中身忽返衡門已拌蹤蹟江湖老
安用胸懷塊壘存三徑本無彭澤願萬間虛說杜陵恩
遽廬天地年來意此景難施筆墨痕

時方見凌君子與
秋風破屋圖冊亦

因懷故居而
作故有結語

偕同人校刊半行庵遺詩既成慨念子木生平附

書一詩卷尾

中年抑塞能增氣

杜詩艱危氣益增

末路飄零更助才駿骨真

看酬善價蛾眉豈料負良媒

癸亥春中丞李公薦君於直隸制府劉公幕司章奏

在途病卒制府命屬吏妥爲殯殮越歲又厚賜俾歸觀實未識面也

身甘殉母生原贊名

待詩傳志巴灰琢玉坊前一編出交情祇此報泉臺

尙有

咄咄吟二卷因贊竭未同刻

題齊玉溪

學裘

見聞隨筆

彭氏感應錄

蘭臺大令希陳

梁家勸戒編

敬叔觀察恭辰

箸書心共證

覺世理能宣游覽兼懷舊行吟總慕賢

兼載游歷投贈之作

白頭

重握手展卷亦前緣

道光壬寅與君相識今卅六年矣重逢湖昔已二十六年矣

劉泖生刺史屬題其師王韞翁夢劉圖余近年本
戒詩不作而感念舊交不能無言率書二十八字
歸之亦以了十餘年前宿逋勿計其工拙也

古人說夢分因想因想皆空夢太奇可惜詩翁成大覺

難將夢旨釋羣疑

藝海珠塵中有夢占逸旨
一書第四語旨字本此

爲查蕉垞光題紅豆樓詩集

蕉垞博聞多識壹志著書熟於國朝掌故蒐

討三吳文獻尤深曩歲戊午偕程君序伯過余
楸花盦年未弱冠斐然成章余雅重其人嗣以
兵塵間阻蹤跡多疏僅一遇於申江不見者又

六年矣今春余返里門過從始密論文談藝謬
以老馬爲識塗因從余問字修弟子禮甚恭余
媿無益於人徒以小詩爲朋舊所推君遂索余
詩錄副更爲搜取佚篇殷殷補訂旣賦新詩見
貽又以舊藁待質其詩風格高華時露沉雄之
氣未嘗規仿一家亦不專守初白庵宗法余擇
其尤雅者采入所見錄以志文字因緣並題十
絕句酬之

十年舊雨感前塵亂後重逢意倍親爲慕碧城壇坫盛
來尋壻水選詩人

君愛讀頤道堂詩以余嘗爲
陳雲翁選精華錄因來問字

憶自禪寮識面初，還偕夢隱訪幽居。重談往事懷高誼，

曾借傳家舊

賜書

始遇君於通濟庵，卽偕序伯過訪。訂交君家先世，賜書假讀多種。

夢隱序伯自號

申江贈別爲游梁烽火驚心客，路長厯徧荆襄爭戰地。

尋詩到處滿奚囊

壬戌在滬相見，君將爲大梁之游，由長江假道楚北以往。

揮毫磨盾清河東，羽檄紛馳戰血紅。辛苦從征違壯志，

空留韜畧在軍中

君從軍襄苑，間被圍半月，糧盡勢甚危。君設計與諸將士力戰解之，以手

指中礮傷不克作書謝去，後竟不獲敘勞。

燈火宣南話昔游，詩壇高會儘風流。佳名已占查秋樹，

甲子赴試京兆，入宣南詩社，以秋樹詩得名，同社呼爲查秋樹。又爲梅花管六浮號梅。

隱愛查山六浮閣探梅
之勝又署六浮山民

東吳紅豆最知名經苑詞場湖惠彭

謂硯溪大令
芝庭尚書

榜署

樓頭銘座右更栽雙樹寄幽情

君慕兩家經義文章故
以紅豆署其樓並撰樓

銘又從彭氏樹分
植兩本以實其名

解溪卜築又駕湖世澤清芬兩地俱拋盡林園好煙水

全家常傍小交蘆

君家禾中竹素園已毀惟葑溪老屋
尚存小交蘆在城東清道橋之南宋

元章簡公絳宅後水名見玉堂集君居
水北有詩考證甚詳足補志乘之缺

後果前因有夢徵知君夙世本高僧天生慧業超凡俗

文字禪參最上乘

君前身爲黃山漸江僧事載其先德
又山侍御珩齋集中秋感夢詩注

石稜詩派少眞傳

初白先生少年
自署石稜居士並世欣逢有後賢若

更旁參甌北說查山應復繼查田

甌北詩話編取初白爲本朝一家查田

初白更名後號

查山君近號

替搜逸稟證遺聞翰墨緣深近數君何幸生逢丁敬禮

定文可託恨無文

君仿宇文紹奕撰石林燕語考異之例爲余吹網錄作考證

張研孫茂才傳硯堂集付梓有日感題一詩

昌黎哭到殿中君

余猶及見君大父蔣塘先生至君已三世矣

回首詞場感

夕曛才士名惟爭沒世故交誼在重遺文

謂潘偉如石梅孫二君

空期手澤兒孫護

君二子近年先後歿遂無嗣

賴有心香弟子焚徐君

賦秋藏君稟本

從此江湖傳小集雙鬢定與唱殷勤

古吳郡廟西首謝文翰齋刻印

楸花盦詩附錄

吳縣葉廷瑄調生

浦西寓舍雜詠

有序

寄跡華涇載更裘篋凡所見聞涉歷輒成短句
藉遣旅愁事非一類言非一端地亦非一處畧
加詮次錄之得詩六十四首題爲雜詠云

長夏倉皇一舸浮離鄉遠向浦西投七年鴻爪重來印

幸免王尼露處愁

庚申四月二十三日自吳門北鄉徙
避外孫陳壽筠同來邀留居其寓舍

挈家往歲避兵塵梁孟同爲賃庶人此日傷心思舊侶

牛衣獨染淚痕新

癸丑夏余家先寓法華八月避滬城
亂遷華涇張宅居兩月乃歸吳門時

荆人尙在今已
下世四年矣

龐居士尙餘嬌女白樂天原有外孫骨肉相依家破後

淒涼燈火話吳門

余挈適願孀女同來外孫卽壽筠也

香溪宰樹痛摧殘馬磣新塋土未乾老弱驚魂何處避

兵烽照徹墓門丹

廣川先塋樹數百株聞皆被伐亡婦葬漁莊橋僅半載耳

風鶴仍從近地驚五旬兩度陷茸城可憐峯泖佳山水

一任橫驅草木兵

五月十三松江陷旋收復六月廿六日再陷踞

寇深直逼滬城隈不戰何緣萬騎回驅淨妖氛聲一震

開花夷礮果如雷

七月初賊撲上海南西二門甚銳兵勇皆斂手不戰初六日夷人助兵以

落地開花礮連擊之遂被刺而退

客裏重逢唱董逃輕裝小艇意蕭騷夢中誤聽軍聲至

忘却秋江半夜濤

初三夜宿江渚舟中聞潮聲甚急時將避兵浦東

飄然襍被浦東遊偶作平原十日留小港觀潮場坐月

何心延賞異鄉秋

居浦東農家金氏屋十日仍返華涇

百步橋西梵宇開江流到此勢潑洄佛家自有修羅劫

法雨難消兩殿災

龍華鎮瀕黃浦以龍華寺得名寺規模甚宏賊火焚其二殿

黃浦航船有定程去乘潮落返潮生風帆轉過龍華渚

一塢依依管送迎

各鄉鎮航船日赴上海朝北暮南視潮信遞爲早晚每月惟十二廿六兩

日航船不出以落潮過晚船不能歸耳

一條黃浦劃西東百里人烟指顧中畧似岷江分兩戒

波濤直接海天空

黃浦水南過華涇關港口卽迤西行西南百餘里至浙江平湖縣界始盡

東北過上海縣城外五十餘里至寶山縣界吳淞口入海

平生五嶽探奇興到此難尋數似山蠟屐裹糧全不用

一邱時引出柴關

上海四境無山寓舍之東有土阜尚可登眺

獨上東臯意曠然平蕪環顧四圍圓天清日射龍華埕

江闊煙飛鬼子船

東臯卽寓舍東土阜

相業春申重楚邦萬年水利一條江姓名卽其江流永

足歷三公子盡降

黃浦一鑿水利無窮原嘗徒爲豪舉卽信陵善用兵亦無實惠貽後世也

小橋閒步過清溪古跡流傳不可稽我本無心希二陸

恰逢時鳥隔林嘯

聽鶯橋在華涇之北相傳爲平原兄弟遺跡

酒瓶犒士積如山晉代遺踪蔓草間爲語壺頭諸將帥

亟圖飲至策勛還

北橋在華涇南二十里晉袁崧曾駐軍其地有土阜名瓶山傳其下爲橋

軍酒斃積累而成今諸軍逗留不進故以馬伏波之困於壺頭況之

滬瀆兵災首水仙一時壁壘受鋒先南朝內史能完節

華胄遙遙更象賢

晉吳國內史袁崧築壘以禦孫恩後殉難於滬瀆咸豐三年秋紅頭之變

攝上海令小村袁公祖惠亦被難公爲錢塘箇齋太史收冢孫蘭村明府通之子也

烏泥涇塞久無波蕪國曾經戰艦過想像風帆蘆荻外

錦袍玉貌倚瑠戈

烏泥涇宋時所開韓蕪王曾於此過兵故道在今華涇北久淤塞華涇卽

烏泥涇別名也

隆興年贖舊精藍殿廢僧殘久罷參欲問蒼涼天水事

金仙無語掩塵龕

甯國寺爲宋隆興年建在華涇北里許山門大殿已圯石柱數株猶峙曠

野僅存存殿三椽奉佛一僧居
之曾再過訪求建寺碑記不得

銀杏雙株植宋年三林古物足留連故鄉亦有千年樹

劫火深愁玉化烟

浦東三林塘崇福道院銀杏二株爲宋淳熙時物今春往遊喬柯清蔭洵

爲大觀境及故鄉積善西院宋梅近日恐已摧爲薪矣

我來首訪最閒園也願傭丁避世喧何處先民舊邱壑

一灣廢港繞頽垣

元末詩人王逢自江陰移家烏泥涇避亂得宋張氏居故址闢爲最閒園

自稱最閒園丁名其山曰先民一邱池曰先民一壑約畧其地在長橋鎮之南

家家屋後竹千竿滿地清陰夏亦寒始悟辟疆園徑入

吳門此景自來難

浦東西人家屋後無不種竹成林碧雲滿徑望之生涼我郡絕無此景詩

王子猷不問主人選人看竹爲顧辟疆所可殆亦以有竹人家不可多得也

荒池老屋襲園稱聞說高人卜築曾只有籬邊偃立柏

滄桑前見此園興

劉氏廢園是明末所遺尙存開闢草堂三間其地仍稱花園頭

勝國防倭事已遙江關久廢僅存橋而今斥候應重設

舳艫常虞駛兩潮

華溼在明時遭倭寇蹂躪今關港關橋明人於此設卡防遏遺跡猶存近日南路寇氛漸近似亦宜在關港口設兵巡

哨舳艫船見宋史李全傳全所造以寇宋者

寒潭霜落潦猶瀦間看溪童竭澤漁一樣桔槔忙竟日

晚來獮祭共分魚

田旁港以夏率種魚冬深耳水涸塘摸魚分食亦農家樂事也

春風紅徧萬桃花十里江波映海霞何必便論堪避世

看花我欲暫移家

龍華鎮以北數里沿浦居民皆以種桃爲業花時如在畫圖

此方佳果等仙桃褚少孫曾選譜勞我憶分甘鄉味美

綏山雖食不能豪水蜜桃爲上海著名土物乾隆時邑人褚文洲文學華嘗撰詩頌道先生爲序之我家洞庭東山佳果中亦有此桃今被寇踞欲致無由也

老農語莫作常聞地利須從地勢分高處種花低種稻

秋來曰雪間黃雲

花不喜溼高則瀉水易也稻惟畏旱低則厚水便也

花田婦女劇艱辛忙月時時更乞鄰幾度隴頭過笠影

捉花人卽脫花人

花田事歸婦女夏月翻泥去草爲脫花卽農之耘也秋月撥鈴取棉爲捉

花卽農之穫也皆需笠以蔽日

浦東佳布例稱尖紡織工須細潔兼儉俸丁孃遇米者

百年聲價爲詩添

朱竹垞曝書亭集有丁孃于布詩當是游上海時所作百年前浦東尙有

丁家尖之名疑卽其後人所織價值倍他家之布

卉服曾輸夏后供棉花從古產吳淞讀書莫誤尋夷島

此地揚州本舊封

禹貢島夷卉服系於淮海揚州是島夷卽指今吳淞濱海諸處在三代之

初已執花織布矣余於捉花補吟注中曾論之

紉雲組霧蔽蠶絲被織匡州賴導師仰食禮宜崇報賽

舊祠今更建新祠

王逢梧溪集黃道婆祠詩序云道婆烏涇人少淪落匡州元貞間附海舶

歸紡棉織匡州被自給教他姓婦不倦被更烏涇名天

下仰食者眾及卒鄉人爲立祠詩中有匡州布被五色

纒組霧紉雲粲花草句据此知道婆所織乃有花被料

非一切布概是其教織也棉之爲用實廣於絲絲維富

貴家用之然亦有必宜用棉之處故通行於貴賤貧富

且器物所需有宜棉而不用絲者其利用豈可量哉黃

道婆禮宜報賽聞長橋北有祠地甚偏仄歲時遇各鄉

幼女學紡織間往拜禱餘則絕無人過謁者年久祠宇

傾欹香火間寂今惟上海南門內

有祠屋稍宏敞蓋近世所建云

附

五

少日曾披子建文近從甥館訪遺聞憂時讜論今尤亟

封事何人得似君

童時誦上海曹諤庭先生制義後知先生在雍正末官給諫能建言爲名

臣益嚮慕之華涇劉氏爲其婦家未第時常居此惜無遺跡可訪矣先生諱一士著有四焉齋集

宏獎風流舊宰官卅年吳下冷騷壇堯峯倘有歸來鶴

城郭人民忍再看

先外舅錢塘陳雲伯先生諱文述嘉慶中曾攝上海令先生以詩名一時

著有頤道堂集寓吳既久沒葬堯峯山麓

此鄉悵失老劉郎遺箸堪登作者堂十載晉遊詩一集

邊雲塞月滿奚囊

華涇素少詩人近推劉書樵副貢汲余癸丑秋見之齒已八十越二年卒

今來得見其晉遊詩一卷客山西學幕時作清蒼俊逸不愧唐宋名家間雜文亦工惜已佚矣老劉郎三字見

歐公戲贈劉原父續婚詩書翁亦老年續娶故用之

人生癡願總難諧七十思親不去懷夢裏晨昏詩一卷

補天石欲借皇媧

上海王花農明經廷銓見示癡願詩三十二首以早失怙恃設言老年事

親之事自序有夢裏晨昏句蓋孝子思親無已之苦心也

愛花爭說隱君陳歐碧新開異樣春莫是老鰥天意憫

司香遣作綠衣人

陳蘭齋明經炳燧隱居滬城西郊藝花自娛佳種羅列今春開綠牡丹一

株尤奇蘭齋失偶後姬人亦逝故調之

眞讀書人賊亦欽織塵不使講帷侵黃巾知避康成里

漢季儒風又見今

仁和勞季言司訓格家塘棲累代富藏書季言尤以博洽名賊首至其門

戒其徒謂此讀書人家毋驚之入書室取架上卷帙觀之曰問此家多藏秘籍何此皆非善本殆移匿他處耶

季言人素篤實貽札自述其事當非虛語

賣卜垂簾爲避兵詩翁踪跡學君平布衣賜第他年事

一集莎涓字字清

青浦布衣金二溪熙齒七十外避兵來寓江關余訪晤之讀其莎涓居詩

兼晚唐南宋妙境並
棚星學喜爲人談命

時危延訪貴虛衷爲國求才在此中怪爾汪黃餘習在

上書人豈是陳東

此紀青浦金曼鴻明經玉上書事曼鴻卽二溪令嗣詩亦承其家學

避災夜向阿師投大寺曾偕信宿留廿載交情從此歇

詩魂冷葬太湖秋

老友覺阿開士祖觀庚申八月二十一日化於太湖中衝山余四月八日

與開士分手於光福銅佛寺遂成長別念之懷然

良友他鄉慰索居誓收秘籍劫灰餘如何遽返鄉媿地

拋擲遺編飽蠹魚

仁和胡心耘擬欲廣收已散之書辛酉夏賚志而歿遺書且莫保矣

文人命薄易消磨夷館三年一剝那贏得夜臺誇舊侶

奇書海外讀來多

江甯管小異嗣復癸丑陷賊得出乞食來吳余與定交夷人合信氏延之

還海書倍校書三載俯膺頗厚所見西洋秘籍甚多庚申冬沒於杭州惜哉

家藏萬卷散如烟客裏從誰借一編開讀方書消旅寂

古賢我學陸忠宣

忠宣謫居忠州時集古方書五十篇以濟人余則但藉以破寂耳

潦倒名場任墨磨畫成醉後博長歌醉翁若在今難畫

觸目殘山剩水多

王蓮心太守宸山水冊十幀醉後爲史赤厓明經誦芬作赤厓題醉太守

歌畫作於乾隆五十八年正海內承平之日平湖湯氏所藏避難攜至浦西余得寓口焉

豈有人如識劍雷蟄龍飛跋怒濤開斬蛟刺虎憑誰用

遇我殘年惜爾材

黃浦漁人網中奪得一刀鋼又銅鞘製甚異蓋夷刀也余買藏之

烽火滿目萬民愁幕府初聞展一籌三百夷兵新退賊
又看諸將敘從優

遠無偵探近無巡似此行軍太率真擊懈搗虛多設伏
知兵豈必卽奇人

使船如馬最能軍八槳凌江舊策勲失馭便成蛟鱗類
須防牙爪漸生雲

爲籌兵饗亟抽釐山果園蔬概不遺纔是野人芹獻罷
鄉間兵過徧瘡痍

將權從古誤書生天意甯成豎子名鄉邑任教如破甑
避兵異地尙談兵

新立嚴關米市塘譏奸無暇且征商客愁萬斛儂方載
津吏來時願罄囊

女閭三百設齊都小白曾資啟霸圖聞道捐輸除妓館
一端政體勝夷吾

劫餘書畫尙多完狎客恩門藉博權何似榷場南宋置
廣收名跡輦臨安

南面臨民聖所論軍門北嚮體難尊豈因李益詩遭詢
望闕心明戀主恩

羽扇難揮四境塵從容談藝且怡神元戎夾袋收何物
半是書林畫苑人

楸花盒詩

附

八

誰言吏治近來難，亂世人偏遇好官。不負師恩甯負

國，須知古誼出忠肝。

上海令松巖劉公，鄒育河南，太康人。我郡許達泉進士，源宰魯山時

分校所得。士公至吳，存郵其家。甚厚，宜其居官卓著，循聲也。

宗袞名高殉楚氛，鄂城我昔辦香焚。卅年珂里重憑弔

幾輩書生解報君。

吾宗忠節公諱映榴，上海人。順治辛丑進士，康熙戊辰官湖北參議。

道殉夏包子之難，賜謚廕子余昔遊武昌，曾拜公祠下。

使星往歲照東瀛，早見雞林仰盛名。一品集煩重譯讀

香山纓嫗屬書生。

三年前松岑尚書花沙納公奉使來滬，城夷人購得其詩集刻本，屬寶山

蔣君敦復以夷語譯之，寫寄其國，較白傅事更奇。

無端平地鬱嵯峨，我傑閣飛樓蜃氣多。此是海東真海市

暢觀惜不遇東坡

東坡詩以得見海市爲快然猶蜃氣結成須臾卽散今之夷場則真境也

設使東坡見之不
知更當作何語

畚鍤西郊集萬工紅兜劫塚事相同冬青義士今如在

欲拾寒瓊計亦窮

夷場昔年築館多掘人墳墓爲之骸骨狼籍不顧近開西馬路亦然元時

楊髡發宋諸陵恐無如是
多也寒瓊指骨見宋人詩

慧芒見滅兩旬經推測羣言總杳冥應識九重脩省

密爲民請命祝長星

辛酉六月下旬有星孛於斗度光甚長漸退而南歷半月餘乃隱

秋宵鳥語有餘淒百里驚傳眾聽齊惆悵今無邵康節

天橋誰辨杜鵑啼

八月十九夜小雨空際有聲啾啾如鳥鳴歷三刻許方止同時數十里內

皆聞之不
知何兆

歲殘聞警更移居風雪爭趨北郭廬今日桃源何處問
蜃樓鮫室是鄉閭冬杪浦東全陷城鄉居民及僑寓者大半遷避夷場貨值雖昂不願因當道與英法二國有會防之議侍以無恐也

雜詠詩

并引

庚申蘇城被陷倉皇出走暫避北郭近鄉越旬
日轉徙華涇逾年再遷滬濱飄流所至每聽客
話近人殉節事無論識與不識各賦一詩誄之
但依所聞先後不以貴賤男女爲序共得詩十
六首彙錄一編後又補作四首亦附於末云

元和附生鄒清瑞字祥伯年二十餘庚申四月十

三日蘇城陷挈妻子死於水素忿近時士林少氣
節三月中作落花詩云白骨拌埋芳草地丹心留
照夕陽天蓋死志久定矣

烈士全家視死輕落花句裏見平生三吳誰不談忠節
獨讓鄒郎殉此城

呂立均字壽補子震鏞字聲之皆吳庠生居楓橋
內四月初旬奉大府命督辦鄉團賊至拒戰里門
立均被戕震鏞亦自盡於家

或云立均受傷回家
自縊死震鏞見父死

絕粒七日以殉

三世傳經講塾開賊來巷戰氣如雷死忠死孝心同遂

父子無慚好秀才

長洲馬遠林劍客總鎮熊公天喜幕元和陳梁叔
克家客總統張公國樑幕皆以孝廉敘勞授內閣
中書庚申閏三月大營既潰先後殉二公之難

馬周疏草陳琳檄戎幕爭誇二妙收報

國酬知完我

節盧生往事共千秋

明末長洲諸生盧渭生字涇材上
江南條議於史閣部史公重之延

爲記室後隨公殉難揚州馬陳二君里籍既同
文章遺際氣節又相似後先輝映非偶然也

程福生儒家女父歿家貧隨母依戚黨避亂山中
賊來逼之投池中死年才十五耳

名節誰言幼未知程姑拒賊奮投池問年屈指剛三五

皎潔心如月滿時

徽郡庠生吳疆字禹端居歙西石橋邨以才幹著
督理鄉團甚勇丙辰三月率練丁戰死半載前夢
人示以雲騎尉吳疆五字後得卹典竟如所夢

血戰山邨事可悲孤軍難保邑西陸夢中預示褒忠典
神鬼知君誓死綬

護江蘇臬司海甯朱公鈞蘇城初陷不知公所在
後數日城中人請於賊收埋骸骨得一屍井中衣
上鈐按察司官印腰佩晉時微紺色小玉印篆法
奇古不可辨爲公平日所寶玩始知公已自盡矣

衣背深鈴臬印丹臨危應恥作逃官廿年結納名場熱
一死忠臣傳裏看

洞庭東山朱子鶴名和義有姬人許香贊本吳苑
曲中人歸朱未久值辛酉二月之變避入山深處
賊搜得之奮臂拾巨石擊賊乃爲賊斫死

名分雖殊節義同蓮花不礙出泥中請看桀石捐軀日

巾幗何慚烈士風

明末梅鼎祚撰青泥蓮花記皆載
妓女之有志行而以節義終者

太湖營副將王公之敬字毅齋奉化人以礮船禦
賊湖中屢敗之辛酉二月朔山中所借滬濱火
輪船與賊通導登山公力戰死有故卒見所畜犬

日嗥於湖濱教場跡得公屍已月餘尙可識乃殮
之犬遠斃

血灑湖山草不春老罷當道竟亡身莫釐峯是田橫島
一犬無慙五百人

蘇州吳省之震曾董城中團練局誓不避賊庚申
四月城陷巷戰死妻死於家弟渭川率眷屬先期
避齊門外祖塋賊擾附郭皆赴水死蓋全家殉難
也

團練身司豈等閒吳生守義屹如山蘇垣差賴增顏色
染徧全家碧血斑

潘氏諸生吳師曾妻夫沒守節十年庚申四月十
二日房族勸同避齊門外范莊祖塋城陷賊將至
赴水死弟鍾瑞客滬城逾年得耗爲撰事略徵詩
未亡人豈避兵塵誓墓心期間水濱弱弟招魂成一慟
女嬰令反作靈均

陳垣弼號星農上海知名士庚申七月督勇守要
隘初四日入城請饗值賊撲城縣令劉公那膏勸
暫留垣弼言我不出則勇必散時與夫已遁獨步
出南門遇賊見其足鞞戕之劉公爲請 卹典

饋饗心殷願出城文人慷慨遽捐生鞞刀未拔鞞尖在

爲厲猶堪懼賊營

未句用金史烏珠鞞尖懼城語

管金姑歸安籍候選訓導蘭滋仲女適吳門呂姓
庚申四月某日偕婿避寇至西跨塘實相寺前墻
被擄金姑卽自沉於河蘭滋余老友寓書來言踰
歲始得女死耗更可傷也

生別離成死別離
蠟磯有恨抱臨歧
鷗波夫婦眞奇福
一樣茗谿管仲姬

元和諸生張時敏女年十五隨父避金山濱四月
十五日賊至畏逼先投水死

韶齡志節凜然存
賊手難令着臂捫
離父死貞隨父孝

曹娥同死莫同論

上海漕河涇沈月峯兩兄皆諸生月峯獨好武故
爲鄉團董事辛酉九月八日出隊救七寶鎮一馬
甚劣眾不能馭惟月峯能騎之奮躍直前諸勇步
不能及遂獨陷陣死

力控生駒去若飛衝鋒身已陷重圍明年兄弟登高日
望斷魂騎款段歸

余家里中袁氏女文珠適吳姓庚申四月避獅山
夫被擄女忍死以待逾月隨翁姑徙洞庭東山不
勝悲怨發病死揆其情實無異當時身殉也

生離何日卜生還夢繞金閨比玉關有恨難填空化石
望夫魂更上東山

無錫鄉間有娣娣三人在家賊先逼其娣大罵不
屈被剖腹死出腸以示二娣皆懼而從之言者爲
娣諱惜不肯舉其里族

甯甘剖腹不汙身荆布邨嫗有此人他日通靈憑宛若

豈容先後更相親

宛若通靈事見漢書先
後卽漢時娣娣之稱

吳門伶人張錦爲二淨有名年四十餘庚申四月
十三日賊入其家索洋錢錦以紙裹當十錢二百
與之賊啟視大怒謂其行詐欲殺之張曰我爲戲

子何來洋錢汝爲逆賊殺掠爲事我死必爲厲鬼
殺汝罵不絕聲而死

粉墨常塗面作花登場科諱不嫌邪誰知罵賊聲偏壯
雷海青原是一家

詹文照字冠香元和諸生嗜酒日不離杯盞而事
母至孝閉戶授徒三十餘年庚申夏奉母避寇橫
涇賊至其寓母驚惶出門投水冠香罵賊亦隨母
躍入水中

閉門頌酒傲公侯殉母終能蹈碧流冷笑伯倫常荷鍤
但知醉骨瘞山邱

沈樞村名厚田錢塘諸生工筆札館於查氏二十
年丙辰以主簿需次來辭敘勞薦升縣丞旋丁父
艱以家貧依臬使朱公幕蘇垣將陷幕友家人皆
星散君獨留不去從容語公曰公固有與城存亡
之義縣丞雖卑官亦 朝廷之小臣當無事時父
喪尙不克居廬藉公館穀給朝夕今事勢孔亟公
常籌所以禦敵者正大有事在卽或不幸公更有
大事在縣丞已不孝豈敢棄公遠遁復蹈不忠不
義耶越日城破親送朱公成仁後乃別投他井亦
死蓋死緩之志早決矣

官職雖卑至性誠臨危肯唱董逃行從容殉國酬知
已不愧忠臣義士名

湖州趙竹生方伯景賢當江浙相繼淪陷後力守
湖城將兩載四圍皆賊營環繞援軍不至迨大錢
口運道梗阻而事危矣城陷被執來蘇忠逆初猶
以禮接之再四勸降公作書力拒語甚激烈遂遇
害 卹贈巡撫 賜諡忠節

孤城困守仗奇才事已艱危志未灰臣節如山臣力竭
甘心飲刃返泉臺

樹花盒詩外集

吳縣葉廷琯茗生

病中摘句懷人詩

并序

病榻無聊偶憶四十年來所見朋舊好詩一聯
一句皆往來胸次不忘而交游之變故人事之
遷流亦不能無感觸因仿亡友王韞齋聞妙軒
詩集中摘句體爲之以寄懷人之思口占率成
不敘齒輩惟先存後沒次第略分其記憶不全
之句則姑舍旃故詩中頗未盡所懷而聞名不
識及不著姓氏者或附及焉凡得七言絕句三
十有二首維時甲寅暮秋蛻廬病隱自識

同邑吳君侶棠

嘉亭

中年好以宮怨體作感懷詩

深得古意嘗因余招入文社見示云感恩也學畫
眉長對鏡沈吟轉自傷龍腦香消金縷暈縐痕難
熨舊霓裳詞旨芬惻無限低徊

憔悴中年黯自傷縐痕難熨舊霓裳如何絕代嬋娟子
竟鎖雙蛾老上陽

歸安管君谷香

蘭滋

夏日有高樹涼歸與酒親之

句小浮山人聞而賞之謂可與崔不雕黃葉聲多
酒不辭相匹因呼爲管高樹

高樹涼歸與酒親崔黃葉後此傳人阿誰更賞蘋花詠

悵望汀洲日暮春

谷香有蘋花詩云雨過冷香來一棹日斜秋浦立多時亦神韻悠然

嘉定程君序伯

庭鷺

有句云寒宵詩味清于雪只

許梅花伴一燈乃其貽我寒夜煮茶圖自題作也

寒宵詩味清于雪只許梅花伴一燈畫出枯禪蕭寂意

前身原是窳盦僧

序伯有窳盦夢隱圖又
有前身青窳盦僧小影

同邑貝君子木

青喬

客黔時有紀彼中風土詩奇

句甚多記其一聯云啼雨林狻窺枕上吹燈山鬼

出窗前他若雲間鐘磬扶風寺樹杪簾櫳甲秀樓

風格雅近大復猶是內地景色所常有也

啼雨林狻窺枕上吹燈山鬼出窗前夜郎幸遇才人到

奇句天教補謫仙

同邑戈君順卿

載

王子夏與余多唱和之作有句

云黃流北走衝波急白氣南橫示象真蓋紀當時
所聞見也可當詩史之目

黃流北走衝波急白氣南橫示象真廊廟昇平方獻頌
隱憂偏屬草堂人

震澤俞君子駿

岳

嘗自題畫扇見貽云秋禊湖邊

客未還笠東半載草堂閒關心舊事君應記倚閣

同看郭外山

一舸松陵昔往還笠東愛汝草堂閒舊遊何日重攜酒

倚閣同看郭外山

吳江徐君治伯

晉錄

因其友某生不謹于行畢命

團扉哭以詩云青史才人多失足白堤春水太無情某常居山塘水榭故有白堤一語妙在可解不可解之間

才人失足竟捐生良友傷心淚欲傾但覺眼前皆恨事
白堤春水太無情

覺阿開士

祖觀

佳句甚多獨愛其持論明確與時

事有關者一語云召亂都由愛國心蓋爲林少翁初泣粵東時禁煙而作真千古定評也

方外憂時識獨深名臣功過細推尋機關一語能題破
召亂都由愛國心

長洲毛春門先生

鼎亨

余師也初官京師時寄示

辛未歲暮書懷詩云釣竿只憶江鄉好持謝螭頭
橐筆人恬退之性蓋自通籍之始已然也

釣竿只憶江鄉好持謝螭頭橐筆人冷淡朝官似公少
廿年宦海一身貧

吳江趙君竹盦

桂生

己丑秋初訪余時得句云松

林煎水期清話野艇迴燈入暝煙君後薄宦蜀中
卒於邊徼

款廬訪我更投箋野艇迴燈入暝煙誰料一官西蜀去
詩魂終古落蠻天

寶山印君印川

康解

以七言短古爲余銘研有句

云石林之孫抱石癖因余素有奇石之好也君爲
人幽靜孤介亦復如石之可愛

石林之孫抱石癖屬語人真如石寄今日石交難再得
移將袍笏拜君宜

太倉顧君子雨

喻元

丁亥春餞余楚遊贈句云江

路雲山隨處好故園花木別時難惜別留連之況
宛然心目而君已下世數年矣

江路雲山隨處好故園花木別時難年來愁向黃壚過
始覺離筵意尙懽

烏程范白舫先生

錯

和余桃花夫人祠詩自渝州

寄至漢上中聯云竟成千古傷心事那有三年不
語時亦主韓詩外傳及列女傳之說也

郵筒遠和表貞詩那有三年不語時祇我客中添恨事

忽聞飛檄毀崇祠

時學使王公泥于盲左之說
謂夫人祠爲淫祀竟令毀去

同邑程君賡堂

嶺梅

于余羈旅漢江時寄詩見懷

句云新秋橘柚愁邊綠小隱芙蓉夢裏紅今日讀
之如聽山陽之笛矣

感逝傷離卅載中那堪重檢舊詩筒
新秋橘柚愁邊綠

小隱芙蓉夢裏紅

余家芙蓉橋嘗自題所居爲芙蓉小隱

同邑潘君功甫

曾折

嘗書示近作一聯云幾度病

情花指點一春好景雨消磨君晚年閉門養靜臨

終神志湛然自是佛地位人然君固非冥心忘世

者故詩語雖從悟境來而自然情韻纏綿意多惆

悵

幾度病情花指點一春好景雨消磨生天何必無惆悵

回首人間事正多

長洲褚君仙根

蓬椿

爲余題陳軍門忠愍公遺像

長歌一篇中有句云顧問誰爲吳句卑用左傳楚
司馬戍語以紀忠愍臨難顧其麾下劉國標託以
遺骸事也可謂典切

顧問誰爲吳句卑長歌卽是表忠碑定知地府逢公話

憂國同心各淚垂

君與忠愍身後皆有爲冥官之說

太倉蕭子山先生掄下榻碧城時以蘇臺懷古詩

示余有句云奇麗山川招敵瞰冶遊風氣自君開

新警爲前人所未道

冶遊風氣自君開弔古詩成見史才太息吳民今力竭
任教鹿走併無臺

長洲韋君君繡

光祿

題明季許元祐中書

自昌

梅

花別墅圖詠冊云短棹誰尋丁卯宅長歌如話甲申年墅在角直鼎革後久已蕪廢許氏後人有長歌紀事

短棹誰尋丁卯宅長歌如話甲申年詩翁身已超塵劫莫更滄桑感變遷

仁和龔素山先生

凝旌

少作閩遊後老于幕府嘗

題松鼠啖荔圖一絕云仙荔無端墜一枝風光輸與鼠先知而今飽啖官倉粟那及紅雲下咽時

幕府才人嬾散姿感懷偶寄畫中詩而今飽啖官倉粟

那及紅雲下咽時

錢塘陳君小雲

裴之

有題張船山太守集一律句

云酒邊心事慈烏泣
劔外家山杜宇聲
澄懷堂集中未刻此詩
殆以語涉譏刺耳
後小雲旅沒漢皋
正與船山卒于吳門一轍
良可慨也

酒邊心事慈烏泣
劔外家山杜宇聲
末路正堪同一哭

未須花月誤平生

可憐花月誤平生亦君題船山詩句也
船山之滯留固非爲耽花月若小

雲則又爲名利所羈耳

同邑朱君條生

有蘆花詩和查又山侍御

元儂

原韵一聯云茫茫誰喚英雄起
頭白江湖已幾年

侍御嘗於頤道先生酒座稱之謂同時和者二百餘家以君詩爲最佳而君詩又以此二語爲絕唱一時頗爲同人推許

王樹長埋宿草阡蘆花人尙誦遺篇茫茫誰喚英雄起頭白江頭已幾年

同邑趙君禮甫

嘉亨

已卯秦淮旅舍誦其與大婦

姬人錄別詩云臨歧囑別無他語珍重三人兩字
同朋儕皆艷稱之

珍重三人兩字同闌中情語誦來工美人名士今黃土
艷福清才一例空

同邑程君修之

沂梅

詠蘋花句云涼波靜夜江妃

影斜日汀洲柳惲詩二十年前同社作也今君亦

賦玉樓三載矣

涼波靜夜江妃影斜日汀洲柳惲詩陰侶於今半零落

空餘佳句耐人思

同社印川條生知生亦久謝
世所存惟序伯谷香與余耳

同邑蔣君黼庭

承志

癸酉元夕立春有詩示余云

春仍無恙經年別月未知愁特地圓君少美容儀

風流自賞詩亦喜作靡麗語

春仍無恙經年別月未知愁特地圓一代風流人早逝

色空應已悟塵緣

金溪李君蘭青湘頤道先生詩弟子也與烏程范
白舫明經常客楚蜀間有句贈白舫云垂老江湖
尚著書頤翁極賞之曾鐫此語作小印二分貽兩
君余歸後聞兩君皆終于客中

垂老江湖尚著書耽吟結習總難除詩翁楚蜀同羈旅
歸隱年年約竟虛

同邑王君韞齋

汝玉

佳句劇多惜皆不能全記惟

壬子春見贈一律尚存篋中君沒前兩月作也中
有扁舟曾此泊平橋及探梅還共訪僧寮等句雖
非傑作而雅誼可懷因並采之

扁舟曾此泊平橋
恨絕唵魂不可招
吾向夢中尋舊約
探梅還共訪僧寮

南匯令德某能詩
寶山楊藹人之居
停也述其詠
蘭句云渚泠春回
猶有露山空秋遠
更無人

渚泠春回猶有露
山空秋遠更無人
不圖案牘勞形容
詠到幽蘭句入神

鄰友袁生夜唵

文瀚

嘗隨余訪毛氏清華園廢址

得詩一律其後半云
草長寒廳無客過
春歸廢榭
有花飛朱闌
舊日憑臨地
半作民居掩竹扉
詞意
蒼涼可供諷詠

荒園同扣竹間扉歎息清華景盡非累我微唸欲愁絕
春歸廢榭有花飛

同邑金君子年孝先素業賈晚以病廢耽詩傳其

舊作山塘晚歸句云露華如雪滿桐橋殊有清華
之氣

山塘煙景晚來饒歸路唸情倚短橈不是詩人誰領略
露華如雪滿桐橋

江都縣吏某喜爲詩以稟就正陳君小雲最賞其
一天涼翠竹當門之句嘗爲余言之

一天涼翠竹當門佳句藏曾卅載存擬取吳淞詩吏配

隔江遙酹兩唼魂

吳松詩吏鮑熊飛名詞藻見頤道堂集中

漢上醴商黃君芳谷

至棠

春日詠海棠追悼故妓

云金屋未營難貯汝玉環已逝更無人語意悽婉

妙無痕跡

金屋未營難貯汝玉環已逝更無人漢皋拾得傷心句
兩泣煙愁滅却春

庚辰春遊西洞庭石公山登絕頂來鶴亭有無名氏題壁云狂懷欲向山僧說鶴不歸來我不歸字頗奇偉或傳爲仙筆

石壁千尋水四圍孤亭徙倚面斜暉狂懷未肯輸仙客

鶴不歸來我不歸

病少間續得八首

同邑張君子上

源達

舉拔萃科後公車留別有詩

見示云素衣豈爲風塵化貞抱區區誓綠波

貞抱區區誓綠波書生志節定難磨短衣昨賦從軍樂

願掃兵塵譜凱歌

君今客揚州戎幕

常熟趙君次候

宗建

所居爲瞿忠宣公東皋草堂

舊址有銀杏樹卓筆峯皆瞿氏故物近以東皋紀

勝圖詠見示徵題其詠樹云旁支柰絕中興望一

木原知再造難於忠宣時事切合尤爲警策詠石

云底柱末流心不轉補天殘闕力難操詞意相同
並記於此

旁支柰絕中興望一木原知再造難比似錦城唵古柏
杜陵同此意辛酸

全椒金君子春

旺華

有幹才久客揚州漢上爲離

商司筆札長軀偉貌似武士而詩詞特清妙余楚
遊與訂交多投贈唱和之作有句云欲騎黃鶴難
爲夢不信青蚨竟有神可想其抑塞磊落之懷矣
今不知其蹤跡

高才惜爾溷風塵不信青蚨竟有神昔日唵壇今戰壘

江湖何處更尋春

余昔詣君每以尋春相謀

陽湖趙君芸西

申嘉

甌北先生文孫也才思宏富

客遊楚督盧公幕府爲頤道先生詩弟子辛卯與
余相遇鄂城以秋日襟感詩見示記其一聯云恩
重屢將弓鞬禱愁多頻檢鈿釵看今日重唵一過
又不啻逢天寶宮人矣

恩重屢將弓鞬禱愁多頻檢鈿釵看分明舊事談天寶
惜少琵琶續續彈

淮安蒲快亭進士

怵

嘉慶中教授我郡時以遊郡

西諸山詩見示中一首云山寺霞光撲面迎丹楓

萬樹錦屏橫夕陽返射頻回首惱煞肩輿不倒行
頗能道山遊情景

惱煞肩輿不倒行髯翁善寫看山情儒酸誰解閑遊樂
冷擁青氈過一生

錢塘陳雲伯先生

文述

初見余小試詩文謬荷垂

青許忝甥館贈詩云下筆春蠶未肯休風塵逸足

騁驂騶淮陰自擅無雙譽溫嶠何妨第二流

時余試輒

居第二

故云此日讀書更萬卷他年待汝定千秋莫教

人說微雲壻更向天衢出一頭迄今衰白無成徒
呼負負此詩頤道堂集中偶遺未刻故謹志之

温嶠何妨第二流贈言期許媿難酬一從拔宅仙翁去

婿水人今亦白頭

先生身後眷屬無人故以仙人唐公房拔宅留婿比之

舊藏清微道人墨蘭小幀前寓碧城時所見貽也

有自題絕句云綠苔如扇護根泥仙露滋腮放瓣
齊香茗一杯書一卷花間忘却日沈西詩畫皆清
逸有致

花間忘却日沈西想見含情吮墨題身後蘭因應證果
荒林錦樹莫悲啼

昔遊邗上偶過倚虹園見壁間有人題落花怨短
古一篇詞旨悽婉音節纏綿其詩云昨日看花花

何繁今日看花花已落春風陣陣苦相吹吹盡繁
花向林薄林薄深深黃鳥飛高樓思婦淚沾衣却
恨夢中化蝴蝶明駝不見送君歸君不歸兮向何
處滿園春色教誰主去年含淚別城隈今年淚盡
鶻啼樹無那花飛春復春幽情脈脈與誰論落紅
滿地東風惡暮雨瀟瀟獨閉門末語尤覺含情不
盡不知爲古人作今人作也數年再過已墜去因
亟存之

暮雨瀟瀟獨閉門忍看狼籍葬香魂飛花莫怨東風惡
頭白紅顏幾箇存